

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj 7/10) a u vezi sa članom 156. stav 2. Poslovnika Skupštine Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 12/09, 1909 i 5/10), na prijedlog Ministarstva za boračka pitanja, Vlada Zeničko-dobojskog kantona, na nastavku 58. sjednice, održanom 29.03.2012.godine, donosi

ZAKLJUČAK

I.

Prihvata se Mišljenje Ministarstva za boračka pitanja Zeničko-dobojskog kantona broj: 13/02-14-856-3/12 od 14.02.2012. godine, u vezi Inicijative Vernesta Karzića, proslijeđene u dopisu Općinskog vijeća Kakanj br: 0-01/1-357/11 od 29.12.2011. godine, kojom se predlaže smanjenje kamatne stope na kredite za stambenu izgradnju odobrene pripadnicima branilačke populacije – stanare zgrade u Kaknju, Ulica Branilaca, Lamela A i C (tzv. Boračka zgrada) počevši od 22.11.2000. godine.

II.

Zaključak sa Mišljenjem iz tačke I. ovog zaključka dostavlja se Stručnoj službi Skupštine Zeničko-dobojskog kantona u dalju skupštinsku proceduru.

III.

Zaključak stupa na snagu danom donošenja.

Broj: 02-_____/12.
Datum, 29.03.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Stručna služba Skupštine,
1x Ministarstvo za boračka pitanja,
1x a/a

Broj: 13/02-14-856-3/12

Zenica, 14.02.2012.godine

- Stručna služba Vlade Kantona

- Premijer Kantona

P r e d m e t: **Mišljenje po Inicijativi vijećnika Verneta Karzića– dopis OV Kakanj
br. 0-01/1-357/11 od 29.12.2011.god.**

Veza: Vaš akt br. 02-1-14-856-2/12 od 17.01.2012.god.

Dopisom Stručne službe Skupštine Kantona br. 01/02-14-856-1/12 od 13.01.2012.godine od Vlade Kantona i Ministarstva za boračka pitanja zatraženo je mišljenje o Inicijativi vijećnika Verneta Karzića, dostavljenoj u prilogu dopisa Općinskog vijeća Kakanj, broj i datum gornji, upućenoj predsjedavajućem Skupštine Kantona.

Vijećnik inicijativom predlaže izmjenu odredbi Odluke o smanjenju kamatne stope na kredite za stambenu izgradnju odobrene pripadnicima branilačke populacije, tako da se za korisnike kredita - branioci i članove njihovih porodica, stanare zgrade u Kakanju, Ulica Branilaca, Lamela A i C (tzv. Boračka zgrada) smanjena kamatna stopa primjenjuje retroaktivno, tačnije od 22.11.2000.godine, odnosno datuma zaključenja njihovih ugovora o kreditu.

Odluku o smanjenju kamatne stope na kredite za stambenu izgradnju odobrene pripadnicima branilačke populacije ("Službene novine ZDK" br. 8/06) donijela je Skupština Kantona dana 06.07.2006.g. na prijedlog Vlade Kantona, a istom se predviđa smanjenje kamatne stope propisane Odlukom o kreditiranju stambene izgradnje ("Službene novine ZDK" br. 13/00) i Odlukom o kreditiranju stambene izgradnje ("Službene novine ZDK" br. 6/01 i 5/02) za sve korisnike kantonalnih kredita za stambeno zbrinjavanje koji imaju status pripadnika branilačke populacije, bez obzira po kom im je osnovu isti dodijeljen, i to za one koji podnesu zahtjev u tom smislu i podnesu validnu dokumentaciju o pripadnosti branilačkoj populaciji. Odlukom je propisano da kamatna stopa iznosi 2% i primjenjuje se na kreditne obaveze koje nisu dospjele za plaćanje prema otplatnom planu na dan stupanja na snagu Odluke.

Odluka je donesena nakon sprovedenog postupka po Inicijativi četiri branilačka udruženja Općine Zenica upućenoj predsjedavajućem Skupštine Kantona, te zaključka Vlade Kantona od 24.08.2005.g. kojim je Inicijativa podržana. U provedenom postupku Ministarstvo za boračka pitanja je zatražilo stav poslovnih banaka putem kojih se vrši realizacija kredita po pitanju Inicijative, te informacije o korisnicima kredita i stanju kreditnih obaveza i isto prezentiralo Vladi Kantona.

I pored principijelnog stava Ministarstva o podržavanju svake inicijative kojom se predlaže poboljšanje položaja branilaca i članova njihovih porodica, u vezi podnesene Inicijative ističemo slijedeće:

Donošenje Odluke o smanjenju kamatne stope na kredite za stambenu izgradnju odobrene pripadnicima branilačke populacije od strane Skupštine Kantona 2006.godine, izvršeno je nakon provedene kompletne procedure u kojoj su pribavljena mišljenja i sagledani stavovi kantonalnih branilačkih udruženja, poslovnih banaka, nadležnih kantonalnih organa i komisija Skupštine Kantona. Odlukom su, u skladu sa realnim mogućnostima Kantona, obuhvaćeni pripadnici svih kategorija branilačke populacije – korisnici dodijeljenih kredita za stambeno zbrinjavanje, a u cilju poboljšanja njihovog položaja u pogledu izvršavanja kreditnih obaveza.

Vlada Kantona je, na prijedlog Ministarstva, u proteklom periodu poduzimala i druge mjere na otplati kredita za pojedine korisnike koji su se našli u naročito teškoj situaciji, te izdvojila značajna sredstva za završetak Boračke zgrade u Kaknju i pomoć njenim stanarima.

Imajući u vidu položaj velikog broju branilaca i članova njihovih porodica koji još nisu riješili svoje stambeno pitanje ili otplaćuju komercijalne kredite podignute u tu svrhu, mišljenja smo da su naznačenim aktivnostima, sprovedenim u skladu sa finansijskim mogućnostima Kantona, već poduzete realne mjere na pomoći pripadnicima branilačke populacije – korisnicima Kantonalnog kredita za stambenu izgradnju.

MINISTAR
Suad Omerašević